

M. PAULI JUUSTEN,
EPISC. QUONDAM AB.
**CHRONICON EPISCOPORUM
FINLANDENSIVM,**
ANNOTATIONIBUS ET SYLLOGE MONU-
MENTORVM ILLUSTRATVM.

CUJUS
PARTICULAM VII,
CONS. FAC. PHILOS. R. ACAD. ABOËNSIS,
PRÆSIDE
**HENRICO GABRIELE
PORTHAN,**

ELOQ. PROFESSORE REG. ET ORD.

Publicæ bonorum censuræ submittit

JOHANNES FORSBOM,
ABOËNSIS,

In AUDITORIO MAJORI die XXIX Martii
A. MDCCCLXXXVIII,
H. A. M. S.

A B O Æ, Typis FRENCKELLIANIS.

THESIS I.

Qui otaria hominis officia simul esse officia in Deum meminerit; haud existimabit, officio cuicunque in Deum *directo*, alia quaecunque officia semper esse postponenda.



Thef. II. Aleatores plerique aut sunt fraudatores, aut fiunt.

Thef. III. Qui ex solo procreandi beneficio Parentibus jus in liberos adeo nasci amplum putant, ut hoc nomine imperium in eos exercere, aut vendere eosdem in servitutem, aut servorum loco habere, recte queant, eo errant turpius, quo certius est, ne pietatis quidem officium filium parenti debere; qui, belluis barbarior, subolis sue educandæ nullam prorsus curam adhibuit: quamvis spurii plerique sortem experiuntur.

Thef. IV. De Imperio Despotico, quod vulgo horrent homines, confusas tamen valde ideas multi fovent. Accurate loquendo, illud ubique locum habet ubi legibus constantibus ac consilio certo latis civitas non regitur, nec arbitrio, temeritati, & cupiditatibus imperantis ulli positi sunt obices. Quin itaque securitati & libertati personali inimicum hoc malum imperia Aristocratica & Democratica æque ac Monarchica premere queat, dubium non est; quod ita esse, etiam Historia suo confirmat testimonio.

Thef. V. Oratores Sacri, qui Technica temere frequentant vocabula, æque ac qui stili curam nimis negligentes, barbara aut obsoleta adhibent, in perspicuitatis sectandæ sumnam legem graviter peccant. Sed nec ab eadem culpa immunes sunt, qui ornatui nimium studentes, a populari dicendi ratione prorsus recedunt.

Thef. VI. Conversione libri cujuscunque ex una lingua in aliam verbotonus facta, nihil potest esse absurdius: quod ridiculum consilium, turpis ignorantiae vulgo, fœtum, — eum fidei nomine in interpretando homines inepti defendere volunt, injurii non minus in auctorem quam letores plerumque sunt.



tur (66), missa facientes, ad recentiores certioresque epochas Fenniæ a Svecis devictæ subjectæque considerandas persequendasque porro progredimur.

(c) *De Religione Fennorum Pagana* fuse agunt PET. BÅNG *Priscor. Sveo-Gothorum Eccles. s. Hist. Eccles.* L. VI, C. VI & VII, GABR. ARCTOPOLITANUS *Diff. de Orig. & Religione Fennorum* (Upl. Präf. FAB. TÖRNER 1728, 4:o) C. II, & CHRIST. LENQUIT *Diff. de Superstitione Veterum Fennorum* (hic Aboæ 1782, 4:o editæ) P. I & II; quibuscum cfr. WEXIONIUS *Epit. Descr. Sveciae, Gothiæ, Fenniæ &c.* L. X, C. 2. Fundus vero, cui plerique innituntur, est MICH. AGRICOLÆ *Carmen* quod versioni Fennicæ Psalterii Davidici, Stockh. 1551 in 4:o editæ, Præfationis loco præmisit, unde BÅNGIUS & ARCTOPOLITANUS l. I. c. c. verba quæ huc præcipue faciunt repetierunt. Cfr. etiam *Tidn. utgivne af et Sällskap i Åbo*, 1778, p. 93, 96, 113 sq. & *Dist. nostræ de Poësi Fennica* p. 86 sqq. Paucis ut quæ de Religione illa majorum nostrorum constant, complectamur, plures quidem veneratos fuisse Deos (*Jumalat*) reperimus, quos partito quasi imperio universæ naturæ rebusque maxime humanis præesse credebant; quibus utrum unum aliquem summum atque reliquorum quasi Regem præfecerint, non liquet: imagines vero aut effigies eorum effinxisse nullas, neque vel Tempa vel Sacerdotes cultui eorum consecrassæ, sed loca tamen sacra, ac maxime *Lucos, arbores &c.* facras habuissæ, magnaue & multiplici superstitione laborassæ, certum est. Agnoscere in his similitudinem manifestam cum aliarum gentium simplicissima-

(66) Vid. LÄGERBRING l. c. I D. IV C. §. 1, p. 128 (cfr. §. 4, p. 132); V C. §. 19, 22, p. 168, 169, 173 sqq: qui fontes simul, more suo, diligenter indicat.

simarum moribus licet (cfr. JENS KRAFT *Sitten der Wöl*den, III Abb.). Sic de veteribus Pelasgis HERODOTUS testatur: ab *intior Deos* suos sine nominibus sc. postea receptis? Fenni autem nomina diis suis, ex officiis aut munere eorum defumta, antiquitus jam tribuisse videntur) & *sine forma ac specie coluisse*, Lib. II, C. 50-53; ac VARRO apud AUGUSTINUM (*de Civitate Dei* L. IV, 31) *Antiquos Romanos plusquam CLXX annos Deos sine simulacro coluisse*, perhibet; cfr. PLUTARCHUS in *Numa*. Fennos porro nostros *festa* quidem Diis suis annua dicaste, cultumque iis tribuisse novimus, quibus occasionibus sacrificia quoque iis obtulisse probabile est (67)? an vero victimas mactaverint, dubium videtur: certe nec *hostiae* aut *immolandi* vocabulo vernacula gaudet, nec alia ejus moris vestigia superiunt.

Qui jam ante R. ERICI *sancti* expeditionem, notitiam quandam Christianæ religionis ad Fennos nostros pervenisse existimant; argumentorum loco non nisi conjecturas adferunt suas, easque valde improbables. Agmen dicit auctor incertus *Chronici Finlandiae* apud NETTELBLAD-

TIUM

(67) Caret sane vernacula *sacrificii* nomine domestico; Utrum enim a Svecico Offer esse deflexum, facile apparet. Sed vocabulum *Bero*, *tributum*, forte apud nos, ut apud Lappones, (quibus idem & *tributum* & *sacrificium* significat) a re sacra ad civilem traductum, post adoptatam religionem Christianam alteram illam significationem amissit? Ceterum vocabula *Vobis sanctius*, *tumartaa se se invrare*, *adorare*, &c. religioni prisa deberi, verisimile est. *Biarmiorum* autem exemplum, quos Narrationes Islandorum & Tempa habuisse & idola tradunt, ad nostros maiores applicari nullo modo potest, si vel maxime illas veras esse detur; apud Biarmios enim opulentia luxusque major, aliarumque gentium commercium, potuit tales genuisse mores. Nec tamen credibile est, Biarmorum idolo nouen *Tumala* proprium fuisse; sed Norwegi linguae ignari appellativum, *Deum* in genere significans, cum proprio (quod jam ignoramus) facili errore confuderunt.

TIUM l. c. I St. p. 113; cuius sententiam Ill. editor cupidius quam par erat, amplectitur, ib. Not (29) & p. 63, not. (3) ad Præfat. *Chronici Juusteniani*. Quam levis sit anonymi illius auctoritas, sæpe jam significavimus: quodque argumenti loco ad confirmandum assertum suum commemorat, *varias Russicas picturas in quibusdam templis Finlandiæ, præsertim in Carelia, supereesse*, quam ineptum sit, facile quisque videt. Primum enim omnino falsum est, ullas tales picturas Russicas ullo in templo Finlandiæ, extra Careliam quidem, repertas aut visas fuisse; nec in ipsa illa Careliæ parte quæ ad Russos olim pertinuit, in aliis templis quam quæ cultui divino hominum Græcæ religioni addictorum inservierunt, occurrit. Scio, quorum notum est totam structuram ac rationem a nostrorum more templorum abire: nisi forsitan tabula aliqua casu ex Russicis aut terris aut templis in nostra aliquando translata fuit: qua de re mihi tamen nihil innotuit. Deinde, an homini vel parum acuto videri debet verisimile, tales ullas picturas tempore expeditionis *Ericianæ* esse antiquiores? Unde auctori constitit, eas vere fuisse Russicas? Etc. Sed nimis diu in narratione judicioque tam puerili confutando, moramur. Nec majori probabilitate se commendant conjecturæ quas ad fert auctor *Disl. de S. Henrico P. I*, *Præf. p. 1 & 2*, (qui tamen argumento ex Russicis illis picturis sumto, multum tribuere nec ille viderit), de Christianæ doctrinæ quantulacunque notitia, per famam & culta cum vicinis commercia, ad Fennos propagata, ac de conatibus in primis illo ævo superioribus, Botnienses (*Orientales?*) ad Christianam fidem adducendi. Recte itaque & JUUSTENUS noster primam Christianismi lucem opera demum R. ERICI sancti majoribus nostris illuxisse significat, & eandem sententiam diserte profitetur Auctor *Positionum Historico Politicarum*

carum e Chronicō Episcopor. Ejusdem excerptarum, Theſ. III., (apud Ill. NETTELBLADT l. c. p. 92).

De ipſa, quam adhibitam fuſſe probabile ſit, majo-
res noſtros convertendi ratione, ſupra jam egimus p. 60,
not. (32); cuius curatius cognoscendā qui ſtudio ducitur,
conferre poterit vel Historiam Olai Tryggvonis Norwe-
giæ Regis, vel Germanorum qui Lettos, Livones Esto-
nesque ſubjugarunt & converterunt, agendi morem, a-
pud GRUBERUM l. c. fuſe deſcriptum: plura ejusdem ge-
neris exempla ut præteream.

Indolem novæ Religionis, qualis tum erat, cuius
quidem Fennis profefio obtrudebatur, opus non eſt ut
depingamus: vel ipſa ratio eandem propagandi, nonniſi
in externis quibusdam ritibus formulisque, nihil aut pa-
rum certe intellectis, ſitam fuſſe, ſatis indicat. Infor-
matiōnem diligentem Baptiſmi ſolennitati præmittere, mos
feſculi parum curavit. (Cfr. ex. g. SCHÖNING Norges Ritu-
ges Hist. II D. §. 93, p. 353 ſqq.)

Sacerdotes aliquot, præter S. Henricum, & exercitum
comitatos fuſſe Svecicum, & hic locorum; cum ad cul-
tum Divinum novæ coloniæ dirigendum ſolenniterque
peragendum, tum ad Fennorum conversionem urgendam
relictos, veterum auctorum fide (re etiam ipſa idem ſua-
dente), credendum eſt; idque eo potius, quoniam Tem-
pla etiam, ſacris celebrandis Christianis dicata, Regem
victorem, autē ſuum e Fennia diſceſtum, in his oris æ-
difiaſſe, tradunt. ISRAEL certe ERLANDI dicit: *Baptiſatis plurimiſis* (Fennis), *fundatiſ ecclesiis, poſtoque ibidem — b. Hen-rico Epifcopo — iſtitutiſque ibi ſacerdotibus, ac cæteriſ que ad religionem Christiani cultas pertineſtent ordinatiſ,*

ad Sveciam — remeavit. L. c. p. 9. Dubium quidem non est, quin paullo magnificentius hæc omnia extollere verbis, & ille & reliqui S. Regis laudatores, studuerint (cfr. VASTOVIVS l. c. Ed. Colon. p. 65 & 69, Benz. p. 62 & 67; BENZELIUS *Monum. Vet.* p. 34; LANGEBEK l. c. T. IV p. 598 & p. 600; *Brev. Aros. Fest. Sanctor.* Fol. 24): aliquas tamen cultui Divino celebrando consecratas mox fuisse ædes, templorum licet nomine haud dignas, verisimile utique videri debet. Neque repugnabimus, si ex numero *ecclesiarum* illarum (*Kirfior*) quas fundasse Regem asserunt, casas illas fuisse quis contendat, quarum reliquæ in *Vlistaro* haud procul a Templo *Kumoënsi*, nec non in vicinia Templi *Nousensis*, ostentantur, in qnibus S. Henricum docuisse, veteris traditionis fide narratur. Cfr. *Diff. de S. Henrico* P. I p. 51, & P. II p. 6, II & 15. *Råndamäkiensis* autem Templi, *S. Marie* dicati (quod omnium in Fennia antiquissimum esse non temere creditur, ac intra primum, a Christianæ religionis doctrina huc illata, seculum mature perfectum fuisse constat), fundamenta jam tum jacta fuisse, affirmare non adēmus; verum annum ejus conditi nosmet ignorare, simul fatentes.

Quomodo cæterum hic Sveci res constituerint, plane nescimus. Nullius neque *Præfecti* his terris nomen, neque instituti memoria, ad illa usque tempora pertinentis, supereft. Non admodum magnam hic relictam fuisse Svecorum manum, probabile est; ut nec illorum qui sese victoribus mox submitterent Christianæque religionis sibi obtrudi professionem paterentur, Fennorum in lignem fuisse multitudinem, credere licet: quamobrem novam hanc provinciam, initio minus validam, gravibus hostium insultibus vexationibusque patuisse reperimus; cuius rei infra documenta obvenient. Multos in-

colarum, metu vis hostilis, in terras interiores recessisse, (Tavarorumque & auxisse numerum & in advenas Svecos odium excitasse), non improbabiliter disputatur (68): uti nec a vero abhorret, alios, ac maxime Sinus Fennici accolias, vel ad Carelios sese Ingrosque recepisse, vel mari trajecto ad Estones fugisse, ac magis etiam infensos hos populos in Svecanum Christianumque nomen reddisse; quorum mox in novam Ecclesiam Fennicam versum furorem armaque fuisse, reperimus. Nec tamen negamus, Lapponibus quoque hanc epocham infaustam fuisse; quorum sedes australiores, Fennis ad interiora Finlandiae loca catervatim migrantibus, coarctatas ademtasque sibi sensim, credere licet.

Longe vero meliorem Fennos, quamprimum Svecorum adjicerentur imperio, quam cognatos sibi Estonas (qui non multo post a Germanis quibusdam subjugati miseraque servitute oppressi sunt (69)), expertos fuisse sortem, nemo nescit. Nemini personalis sua erupta fuit libertas; bona & prædia sua victis, quotquot victoris sese imperio submittebant, sensimque toti sic populo, relicta sunt (70), cui eodem quo victores frui jure concessum
mox

(68) *Diff. de S. Henrico P. II*, p. 5. Istam autem Fennorum in superiores provincias fugam, denum Lapponibus originem pariter ac nomen dedisse, (eius asserti auctores ibidem SCHEFFERUS & NETTEBLADIUS laudantur) admodum infelix est conjectura. Vid. quæ supra monuimus p. 80, not. (52): cfr. HÖGSTRÖM Beskr. öfver -- Läpmark. C. 2, §. 4, p. 40.

(69) Cfr. GRUBERI *Orig. Livon.* passim, aliisque rerum Livonicarum & Estoniarum scriptores.

(70) Quia reliquis Fennis, paullatim sese submittentibus, agros non fuisse admotos reperimus, sed omnes in civitatem receptos; probabile est, eas terras quas colonis Svecis in ora maritima australiori

mox esse reperimus. Itaque vere felicem non uno nomine majoribus nostris rerum hanc conversionem fuisse, censemus est, dudumque agnovit grata posteritas, & religionis & literarum notitia, cultu vita civilis moribusque humanioribus, sensim aucta.

(d) Ut *Finnorum* (*Fennorum*, *Finnonum* l. *Fennonum*) nomen, genti ipsi ignotum, atque a Norwegis olim Lapponicæ primum nationi inditum, deinde vero ad nos quoque majores (ob deprehensam vel creditam gentis utriusque cognitionem) traductum, cuius sit vel originis vel primæ significationis, nos latet; ita unde *Tavastorum* & *Tavastiae* vocabulum (*Tavaster* & *Tavastland*) originem traxerit, quidque proprie denotet, prorsus item ignoramus. Ipsū quidem terram suam *Hāme* vel *Hāmennia*, seque ipsos *Hāmelāiset* vocant; quorum verborum etymologiam æque parum cognoscimus.

Illam provinciam, licet præter Lappones, incolas generis quoque Fennici, jam ante expeditionem R. ERICI sancti habuisse, non dubitemus; tamen hujus occasione eventus novis coloniis auctam fuisse, valde probabile putamus, earumque adventu odium in Svecos, maritimæ oræ dominos, aut excitatum esse aut vehementer auctum, pariter credimus. Infestos certe in Svecorum coloniam ani-

infusisque tributas videmus, a pristinis vacuas relietas esse incolis, aut bello exsis aut hostium metu aufugientibus; certe ultra primum bellum impetum hoc incolas sedibus suis exuendi consilium non fuisse adhibitum, res ipsa docet; quorum nullos esse vel captivos abductos, vel servos novis coloniis addictos, glebæve, ut loquuntur, adscriptos, deprehendimus. Quod autem maiorem novorum colonorum partem in Nylandia consedisse scimus, documento est, in eas partes maximam bellum vim ingruisse; cfr. quæ diximus supra p. 52 sq. not. (22).

animos gessisse, ab illa sine dubio, paganos convertendi & subjiciendi studio flagrante, etiam lacesitos armisque peritos, vel ex litteris Papæ Gregorii IX, a. 1237 datis, liquet; quas legere & apud VASTOVIVM licet, l. c. Ed. Colon. p. 176, & apud GRUBERUM l. c. p. 261 (qui RAYNALDI citat *Annal. Eccles.* T. XIII p. 457): cfr. A CELSE *Apparat. ad Hist. Sveo-Goth. Sect.* I p. 67. Barbaræ tum gentis, cuius hoc loco nomen *Tavesti*, primum occurrit, crudelitatem & in Svecos atque Christianos odium depingens Pontifex, simul docet, eosdem *Tavestos jam fuisse a Svecis ad Christianam fidem conversos*: quod ostendit, & novæ præcones religionis & novorum sine dubio arma hospitum, interim altius in partes terræ interiores penetrasse, ac solenni ejus temporis convertendi modo veteres irritasse incolas. Quam late vero & religionis Christianæ & imperii Svecici fines extendere valuerint, eo difficilius erit, monumentorum ope destitutis accurate determinare, quo incertiores sumus quibus limitibus Tavastorum regio iis temporibus circumscripta fuerit, & annon hoc nomine pagani Fenni quicunque, coloniæ Svecicæ viciniores, appellari a Svecis (nominis istius, ut videtur auctoribus) consueverint? quorum querelis ad Pontificiam sedem harum rerum notitiam pervenisse, facile intelligitur. Societatem autem Tavastos cum viciniis nationibus, *Careliis* sine dubio, *Ingris*, *Lappis* (*Russis* ac forte *Estonibus*) iiiiſſe, iiisque instigantibus & adjuvantibus, quibus Svecorum & Christianorum vicinia cum incommoda tum periculosa videbatur, hos aggressos fuisse atque affixisse, ex iisdem literis discimus; quæ docent *Tavestos* illos, *procurantibus inimicis Crucis prope positis*, *ad antiqui erroris reversos perfidiam*, *cum quibusdam barbaris novellam ecclesiæ Dei plantacionem de Tavestia funditus*, *Diabolo coadjuvante, subvertisse* &c. Quinam autem

tem illi *Crucis inimici barbarique fuerint*, cum ex Chro-
nico JUUSTENI nostri colligere licet, ubi a *Curonibus &*
Ruthenis primos Ecclesiæ Finlandensis Episcopos graviter
vexatos esse narrat), tum ex duabus aliis patet Papæ Gre-
gorii IX Bullis, quibus novæ ecclesiæ Finlandensis patro-
cinium suscepit; quarum una, cum ad *Episcopum & Præ-*
positum Rigensem, *Abbatem de Dunemunde*, *Cisterciensis*
Ordinis, tum ad *Episcopum Lubicensem*, ac item ad *Epi-*
scopum Lincopensem, & *Abbatem Gutbländensem*, *Cisterci-*
ensis Ordinis, data est: ubi dicitur *Finlandensem Epi-*
scopum, *in Finlandia & terris vicinis magnum populum*
ydolatrie cultui servientem, *evangelicando nomen Do-*
mini nostri Jesu Christi, *de novo acquisivisse eidem*. Ac
additur: *Denique Rutheni*, qui propinqui sunt eis, *minimum*
(leg. *maxime?*) abhorrentes *ippos pro eo quod fidem Katho-*
licam susceperunt, *multipliciter deserviunt in eosdem*, *modis*
quibus possunt ad eorum interitum & dispendium intendendo.
Quare mandat: *quatenus mercatores de partibus vestris*, *ne*
mercimonia cum illis exerceant, *donec desinant persequi de*
novo conversos ad fidem in terris eisdem, — *cogatis*. Data
est hæc Bulla *Perusi X Kal. Februarii*, *Pontificatus anno*
II:o (23 Jan. 1229) (71). Altera, Archiepiscopo Upsilonensi
O & Epi-

(71) *Regist. Eccles. Aboëns.* Fol. 43. Hujus non meminit Nob.
A CELSE. Præterea alix tres ejusdem Pontificis Bullæ, idem argumentum at-
tingentes, in *Reg. Eccles. Aboëns* comparent, quarum utraque po-
sterior Nobilissimo A CELSE pariter fuit incognita: prima (Fol. 46) eo-
dem quo illa quam mōx laudavimus die (*X Kal. Febr. Pontif. II*)
Perusi data, qua *Episcopo Lincopenji*, *Abbati de Guthlandia*, *Cist. Ord.*
& *Præposito de Wisby* dignoscatur, Papam iub protectione Apostolicæ
Sedis & sua Episcopum, *Clerum & Populum Finlandensem recepisse*,
eamque ob cantiam mandatur, *quatenus non permittant* (*Episcop & ab-*
bas) *eos temere molestari*, *molestatores eorum indebitos --- per censu-*
ram ecclesiasticam appellatione postposita compescendo. Hanc significare

& Episcopo Lincopense missa, jubet ut — inhibeant, ne quis Christianorum paganis in Karelia, Ingria, Lappia & Watlandia ferrum, arma vel ligna deferat aut apportet, quo eorum crudelitas in Svecos avertatur: quam crudelitatem sine dubio nova Colonia & Ecclesia Finlandensis, iis vicina, maxime experta fuit. Data fuit hæc Bulla, Lugduni V Id. Jan. Pontificatus III (9 Jan. 1230); de qua commemorat A CELSE I. c. p. 63. Lappi quorum hic mentio fit, eos esse puto, qui in nostra Fennia (adeoque in Tavastorum vicinia) tum adhuc degebant; quos quidem alias Sve-

videtur A CELSE I. c. p. 62, n. 5. Altera (Fol. 44), lisdem Perusii item data, XIII Kal. Marci, eodem anno (Pontificatus II); ubi legitur: *Ex parte venerabilis fratris nostri Finlandensis Episcopi fuit propositum coram nobis, quod cum in Dyocesi sua sit novella Christi plantacio, sic animos quorundam de Gudlandie partibus ceca cupiditas occupavit, ut qui gloriantur in nomine Christiano, paganis intendentibus ad exterminium plantacionis ejusdem, in armis, equis, navigiis, viaturaibus & aliis mercimoniis subvenire presumant; in quo pares aut etiam superiores in malitia sunt illis, dum eis ad impugnandos Christianos necessaria subministrant.* Cum autem fideles deceat universos, non ad impedimentum sed augmentum religionis intendere christiane, --- monemus ---, quatenus pro divina reverencia mercatoribus de Gudlandia interdicatis & inhibeatis expresse, ne paganis predictis in premissis vel aliis audeant subvenire. Etc. Hujus non meminit Nob. A CELSE: sed legitur in Reg. Ab. Fol. 44. Mercatores autem Wisbyenses magis luceri sui quam propagandæ religionis studio litasse, non unum hoc exemplum demonstrat; Cfr. GRUBER I. c. p. 24. Tertia Bulla data Anagnia Octava Kalend. Decembris, Pontif. anno VI (1232), Papa Miltibus Christi in Livonia injungit, ut in remissionem peccatum, ad provinciam Finlandie, pro defendenda novella plantacione ad Christi fidem in ea noviter conversorum, contra infideles Ruthenos personaliter accedentes, cum consilio --- Finlandensis Episcopi, qui assumptis in premissis partibus negotium fidei ex animo prosequendum, defensioni corum insisterent viriliter & potenter. Etc. Ibidem legitur. Paruisse Ordinem Livonicum huic mandato, non est verisimile. De zelo autem & Pontificis, & Episcopi Finlandensis, hæc molimina satis loquuntur.

Svecici partes imperii, quam coloniam in Fenniae ora nuper conditam infestasse, credibile vix videatur. *Watlandiam* autem Ingriæ fuisse tractum putamus circa *Koporiam* situm; in qua regione etiamnum homines habitant a cæteris Ingris dialecto, vestitu moribusque distincti, qui *Watialais* (sing. *Watialainen*) appellantur, quosque Lapponibus olim vicinos (cum hi australius etiamnum habitarent) infestosque fuisse inde colligas, quod *Wassjolats* his inimicis hodieque dicatur? (72). Horum autem hostium insultus maxime Nylandiæ oram afflixisse, quibus locis imminentes Tavasti reliquorum illorum paganorum sedibus simul erant viciniores, probabile est; quamvis nec Aboensi regioni pepercisse, ex JUUSTENI nostri Chronicō apparet. Pacatam quidem Fennicam Ecclesiam provinciamque, a prima sua origine ad occupatam usque a Duce Birgero Tavastiam resque hic diligentius constitutas, haud fuisse, vel idem Chronicon Juustenianum satis docet, Bullæque Papales hoc tempore datæ, quotquot Fennicas res attingunt, abunde confirmant. Litteræ Papæ Alexandri III, ad Upsalensem Archiepiscopum & Suffraganeos ejus & Gutormum ducem, (de quibus supra jam disputavimus, p. 55, sqq. not. (25)), *Tuscali V Id. Sept.* (inter a. 1163 & 1185) scriptæ, aut cum Fennis, quos novi advenæ vi

O 2

atque

(72) Radix quidem hujus appellationis in lingua extare Lapponica videtur, ubi *Wassjotet* odiſſe significat; sed & hoc verbum ab illo nasci potuit? Ac notabile est, eosdem Lappones hostibus, a quibus olim vexatos se fuisse perhibent, nomen *Tjude* indere, (in quo *Tjchud* veterum Chronographorum Russorum haud obscure agnoscuntur), & pro quo interdum nomen *Karjeloh* (Carelii) substituunt. Quod magis etiam confirmat, quam supra laudavimus (p. 79) virorum doctissimorum sententiam, qui *Tjchudos* istos Fennici fuisse generis docuerunt. Cfr. *Lexicon Lapponicum* D. D. ER. LINDAHL & JOH. ÖHRLING, in vot. *Wassjolats* & *Tjude*.

atque armis ad Christianam profitendam religionem cogere pergebant, aut cum viciniis paganis ob ipsam hanc religionem suscepunt eos vexantibus, perpetuo pugnatum esse, demonstrant; nec quas ad *Andream, Archiepiscopum Lundensem*, Papa *Innocentius III dedit*, (Vid. A CELSE I. c. p. 52, n. 16), quæque *THOMAM Episcopum Finlandiae* attingere putantur, quietum in his oris statum rerum produnt; de quibus literis diligentius infra disputabimus.

Interim tamen Svecos & neophytes Fennos non modo propagandæ religionis Christianæ studium diligenter ursisse, sed etiam res suas magis magisque stabilivisse, cum allata evincunt monumenta, tum captum jam a. 1229 consilium Cathedralem Ecclesiam (a *Råndamäki?*) ad locum aptiorem transferendi, confirmat; de quo negotio binas existimat datas fuisse Bullas Papæ *Gregorii IX Nob.* A CELSE I. c. p. 62, n. 3 & 4, quæ tamen non nisi unica esse videtur (73), sed illa ad assertum nostrum stabilendum admodum idonea: qua quidem, ad *Episcopum Lincensem*, *Abbatem de Gutlandia*, & *Præpositum de Wis-*

(73) Alteram dicit *Perusii XIII Kal. Febr. Pont. II*, datam fuisse; quæ eadem est cuius verba adtulimus, sed cui in *Registro Aboënsi* dies X Kal. Feb. recte assignatur, quamque in *Bullariis Örnhjälmino & Peringsköldiano* reperi, vir Nobil. indicat. Alteram, *Episcopo Fintandensi* datam, qua approbatur translatio illa Ecclesiæ Cathedralis, ubi viderit, non significat, citans modo *ÖRNHIELMII Hist. Eccl.* p. 491, quem non nisi de eadem illa superiore loqui, palam est, licet male apud eum dicatur (vitio forte Typographic?) eandem a. jam 1226 datum fuisse, quem annum falsum esse, manifestum facit Dn. A CELSE. Ipse indicat *ÖRNHIELMIUS*, ex antiquo *Aboënsis Ecclesiæ Privilegiorum* libro (s. *Registro Aboënsi*) se eandem descripsisse; ubi non nisi una illa, quam laudavimus, reperitur; quam eandem alio loco (p. 464) anno denum 1228 fuisse scriptam afferit, ad *Bullarii* sui testimonianæ provocans.

by missa, significat Pontifex Finlandensem Episcopum sibi exposuisse, quod in primitiva Christianitatis plantacione (74) in partibus illis, Cathedralis Ecclesia sua fuit in loco minus ydoneo constituta (75): unde petebat, ut (cum) nunc plura loca, crescente in eisdem partibus per Dei graciam fide Katholica magis ad hoc commoda esse noscantur, transferri Episcopalem sedem ad locum competenciorum in sua Dyoceſi mandaremus. Quocirca — mandamus, quatenus inquisita super hoc diligencius veritate, si rem inveneritis ita esse, cum consilio ejusdem Episcopi & Clericorum suorum trans-
fera-

O 3

(74) Itaque non multo post primum Svecorum in has terras adventum conditam, & Episcopalis Sedis hic collocandæ consilium captum fuisse, oportet? De quo tempore, ut a sua ætate jam remotiore, loquitur?

(75) Quis ille locus fuerit, docent hæc verba, Bullæ hujus apographo in *Registro vet. Ecclesiæ Aboënsis* reperiundo præscripta: *Bulla Gregorii de translacione ecclesie Katedralis a Rænhamæki usque huc.* Cur veterem illum locum tam incommodum judicaret Episcopus, difficile jam fuerit ostendere, curque hunc in quo nunc exstrucatum reperitur Templum Cathedrale, si quidem is ejus consilio delectus fuit, tam parvo intervallo a superiore illo distantem, tanto aptiore habere, ut operæ existimaret pretium tanta suscipere molimina? Verba expendens Pontificis, ex alia credas Finlandæ parte hue transferri Ecclesiam suam Cathedralem & Episcopalem sedem Episcopum voluisse, aut hac ex ora ad aliam transferendi consilium cepisse? Num de loco primi Templi erronea postea obtinuit opinio, unde hoc demum tempore ad Rændämäki Episcopus sedem suam transtulit, forte in *Nousis*, ubi sepultus fuit S. Henricus, primo collocatam? Sane opus fuisse successu quodam lætiore in propaganda religione christiana, indeque nata ampliore regionis hujus cognitione non videtur, ad comparandam locorum adeo vicinorum (ac illa sunt quibus Templum Rændämäkiense & Aboënsis sita conspiciuntur) opportunitatem. Nec credi facile potest, sermonem esse de Templo quod idem demum hic Episcopus, primum ad hanc oram adveniens, festinanter exstruxerit? Res nondum plene liquet.

feratis auctoritate nostra sedem eandem ad locum in eadem Dyoceſi magis aptum. Initium quoque condendæ urbis (exſtruendaque forte Arcis) Aboënsis satis mature factum fuſſe oportet, si anno jam 1198, quod in vita *Folquini Juuſtenus* noster tangit, Rutheni hanc urbeſi incende- runt; a quibus tūm factam hic *primam depopulationem* fuſſe docet MS. quod ſupra laudavimus *Palmskoldianum*, quam in cauſa fuſſe ſimul ſignificat cur nulla *Folquini* ejusdem acta reperirentur. Ac licet hunc maxime impetum, (quem alii ſimiles nominatorum ſupra barbarorum, in novæ eccleſiæ Fennicæ coloniæque Svecicæ perniciem tanquam conjuſratorum, & præceſterant & ſublequebantur), ad re- ligionis Christianæ qualementcunque in Fennia herbam pe- nitus fere ſuffocandam vehementer contuliffe exiſtē- mus (76); Svecos tamen hinc omnes expellere haud valuerunt, adeoque nec prohibere quo minus hi vires mox reficerent, novisque aucti ſubſidiis ſuperiores denuo eva- derent. *Thomæ* certe adventum Epifcopi, (circa a. 1209?) ali-

(76) In Bulla P. Honorii III ad Epifcopum Finlandensem (*Thoma?*) Laterani idibus Januarii Pontif. anno V data (13 Jan. 1221), dicitur: *Cum, ſicut ex literis --- Upſalen, Archiepifcopi noſtro eſt Apoſtolati reſeratum, Eccleſia tibi commiſſa de novo ad agnitionem ve- ritatis, & a circumadjucentibus barbaris nationibus, qua plantationem novellam eradicare nituntur, tribulationes multas fulineat & preffuras, ac eurum ſeruitia ex subtractione mercimonii poſſit non modicum cohiberi, au- toritate tibi praefantium indiſgiemus, ut Christianos circummanentes, ne ad eos navigent & viuſtua jēu alia neceſſaria deferant --- per cenſuram ecclieſiaſticam --- compescas.* Vid. *VASTOVIUS* Ed. Col. p. 170, & *ÖRN- HJELM* *Vita Ponti de la Gardie*, p. 28; Cfr. A CELSE I. c. p. 58, n. 16. Quod conſilium barbaros, commerciis eos intercludendo coērcendi, ſæpe deinde, ut ex nuper allatis patet, a Pontificibus renovatum, haud ſane ineptum fuſſet, ſi Christianorum ſimul mercatorum compesci potuiffet lucri famis, ſine quorum avida diligentia nec prædam tanti vendere barbari potuiffent, unde perpetuum cupiditati ſuę alimentum accrebit, nec opes tot expeditionibus, navalibus præcipue, ſuſcipiendis, ſuffeciffent.

aliquanto majorem iis & animum & zelum addidisse, dubium non est; quem in paganismo opprimendo & Christiana propaganda fide & diligentem & non infelicem fuisse, vel inde patet, quod *lucos & delubra, depudata olim ritibus paganorum, quæ "de novo per eum conuersi" ad fidem, ecclesiæ suæ voluntate spontanea contulerant,* Pontif. *Gregorius IX, litteris Perusii II Kal. Febr. Pontificatus anno II* (d. 31 Jan. 1229) datis, eidem ecclesiæ concessit & confirmavit (77): quas terras non contemnendæ amplitudinis pretiique fuisse oportet, quoniam partem earundem Cappellano suo Episcopum haud multo post donasse reperimus (78), nec credibile est, eum nihil earum vel sibi vel ecclesiæ suæ Cathedrali reservasse? Cæterum novis hostium & maxime Ruthenorum atque Cutronum irruptionibus, quæ Episcopum quoque fugam hinc capessere atque in Gothlandiam abire cogebant, res ecclesiæ suæ vehementer rursus afflictas, & progressus novæ religionis impeditos, facile intelligitur: donec per expeditionem *Birgeri Ducis, & majore huc trajecto exercitu, & Tavastia devicta, novoque imperio accuratius constituto, confirmato, præsidiisque potentioribus munito, insignis plane in his terris rerum conversio continget, firmiorique tandem & religionis & reipublicæ securitas & tranquillitas fundamento superstrueretur.*

Caus-

(77) De hac re infra, in vita *Thomæ Episcopi*, porro agemus. Cfr. interim A CELSE I. c. p. 62, n. 6. *Delubra* autem, quorum hic mentio fit, ædes aut templa, idolis quasi habitanda tributa ac constructa haud fuisse, sed loca tantum diis venerandis consecrata, forte sepium quodam genere circumdata, notamus. Ædium sacrarum (paganorum cultui dictarum) nullum habemus nomen vernaculum, nec vel ulla earum ad nos pervenit memoria, vel condendarum consilium conditioni ingenioque gentis convenit. Cfr. supra p. 93.

(78) Etiam de hac re infra, in vita *Thomæ Episcopi*, diligentius disputabitur. Cfr. A CELSE I, c. p. 63, n. 6, & p. 66, n. 21.

Causas, easque graves & idoneas expeditionis a BIRGERO Farlo, iussu nomineque Regis ERICI affinis sui, susceptæ, post adductas supra de incursionibus, odio hostili & crudelitate Tavastorum in ecclesiam Fennicam Christianam expromtae querelas & documenta, opus non est ut operose exquiramus. Magno autem studio sumtuque apparatum fuisse bellum, classemque insignem & numerolam ad Tavastos commandos fuisse missam, veteri scriptori facile credimus (79); licet dubium non sit, quin poëticis coloribus, pro modulo ingenii, narrationem suam exornare studuerit, expeditionemque ad paganos oppugnandos comparatam, magnifice laudare.

De barbarorum porro diligentia consilioque contra Svecorum sese impetum muniendi atque tuendi quod additur, minorem fidem mereri credas; quos ad latrocinia potius exercenda imparatosque invadendos & omni fævitia vexandos promtos, quam ad justum bellum propulsandum sollertes instructosque fuisse, existimare decet: quippe nulli nec communi parentes imperio, nec disciplinæ militari adsuetos. Quare nec sese defendere acriter valuisse, nec magnum Svecis eos aggredientibus terramque eorum armata manu intrantibus negotium exhibuisse, videntur. An de bello tanta vi sibi inferendo apparatuque hostium tam diligenti ac ingenti quidquam antea resciverint, mature quidem satis ad cavendum, dubitari etiam potest. Hoc autem certum est, occurrisse Tavastos Svecis, seseque defendere conatos, sed fusos mox fugatosque fuisse, ac quotquot eorum hostium in manus

(79) Auctori anonymo qui Svetice *Chronicon* composuit *Rhythmicum Majus*; Edit. Hadorph. p. 21 & 22: quem ERICUS OLAI unice sequitur, *Hist. Svecor. Gothorumque Ed. Messen.* in 4:o p. 108; Ed. Lorenzii (Holm. 1654, 8:o) p. 58. Ipsi eventui coævi auctores, qui has res explicent, desiderantur.